



TIPS PER LA BREV D'ANNUNZIA

Tia brev d'annunzia duai svegliar l'interess dal manaschi d'emprendissadi per tia persuna e t'avrir las portas per in discurs da preschentaziun. Tia annunzia duai ir a prà cun la piazza. Formulescha ultra da quai per mintga manaschi d'emprendissadi in text personal.

Ti communitgeschas en la brev tia motivaziun per la professiun, tes connex cun il manaschi e ti ta descrivas sco persuna. Sajas attent che la brev saja survesaivla e ch'ella na cuntegnia nagins sbagls ortografics. Formulescha a moda e maniera positiva, ma evitescha exageraziuns. Dovra tia atgna lingua a moda persunala. La brev d'annunzia vegn scritta oz normalmain al computer. Scriva ella mo a maun sch'il manaschi d'emprendissadi dumonda explicitamain.

Frasas d'exempel

L'**introducziun** da la brev cuntegna l'explicaziun danunder che ti has intervegnì da la piazza d'emprendissadi.

- Grazia fitg per noss discurs al telefon dals (...)
- Jau ma referesch a Voss inserat en la Quotidiana dals (...), en il qual Vus publitgais ina piazza d'emprendissadi sco (...)
- Jau engrazièl anc ina giada per il fufragnadi sco (...) ch'jau hai dastgà far en Voss manaschi e m'annunzièl en il medem mument per la piazza d'emprendissadi sin il cumenzament da la stad (...)
- Sut www.berufsberatung.ch hai jau vis che Vus offris ina piazza d'emprendissadi sco (...).

La **part principala** cuntegna las raschuns per tia annunzia sco era tias abilitads e tes interess.

- Actualmain frequent jau la 2. classa da la scola reala a (...). Mes roms preferids en scola èn (...).
- Jau ma sun occupà/occupada da differentas professiuns. Quella professiun va bain a prà cun mai, perquai che (...).
- Jau m'interess per (...).
- (Lavurs specificas) ma fa spezialmain plaschair e perquai sun jau fitg motivà/motivada da prender en mira questa professiun.
- E perquai pens jau che questa professiun fiss segir adattada per mai.
- Era a chaschun da differentas visitas da manaschis, tar discurs cun mes geniturs e cun il cussegliaider da clamada / la cussegliaadra da clamada hai jau realisà che questa professiun m'interessescha fitg.
- Durant mes temp liber (...).
- Durant il fufragnadi sun jau gia vegnì a savair bler davart la professiun. (..) Spezialmain ma plaschè (...).

La **davosa alineà** è la fin da la brev.

- Jau ma legrel d'udir da Vus bainbauld.
- Jau spetg cun tensiun sin Vossa resposta e sper sin in discurs personal.
- Jau sper che Vus vulais emprender d'enconuscher mai personalmain e che Vus envidais mai ad in discurs.
- Jau ma legrass d'astgar responder Vossas dumondas a chaschun d'in discurs.
- Jau ma legrass d'avair la chaschun da prender part ad in discurs da preschentaziun u d'astgar far in fufragnadi.

In exempel d'ina brev ed ulteriurs tips chattas ti sut: www.berufsberatung.ch.

Structura

I dat differentas furmas da concepir in'annunzia. Qua chattas ti ina:

prenum e num
via e numer da chasa
numer postal e lieu
numer da telefon

num dal manaschi
persuna: prenum e num
funcziun
via e numer da chasa
numer postal e lieu

lieu, data actuala

Annunzia per ina piazza d'empredissadi sco **profession**

Preziada **dunna num da la persuna**

introducziun:

- Nua has ti vis u danunder has ti udi da la piazza d'empredissadi?
- Tge piazza d'empredissadi ès i exactamain e per tge termin t'annunzias?

part principala:

- Daco elegias ti quai mastergrn?
- Tge experientschas has ti gia fatg tar quai mastergrn durant fufagnadis u occurrenzas d'infurmaziun?
- Daco t'interesseschas precis per quai manaschi?
- Tge fermezzas, abilitads ed interess has ti?
- Daco es ti la persuna adattada per questa piazza d'empredissadi?

construcziun finala:

p.ex.: Jau ma preschentass gugent persunalmain tar Vus e m'allegrel sin Vossa resposta.

Cun ils megliers salids
prenum e num

(suttascripziun d'agen maun)

Curs da la vita cun fotografia
copias dals attestats dil stgalim aut,
copias da rapports da fufagnadis/giudicaments da fufagnadis

► Ulteriuras infurmaziuns

e sustegn survegn ti en il CIP. L'adresa dal CIP en tia vischinanza chattas ti sut:

www.berufsbildung.gr.ch → Rumantsch → Sur da nus → Lieu ed adresa → Cussegliaziun da professiun, da studi e da carriera, e-mail: biz@afb.gr.ch

Funtauina: www.berufsberatung.ch